

AKE OUNKCHIYAPI ETKIYA CHANKU KIN HE

WANIYETU IYOHI TAKU ECHUNPI OHDAKAPI

**MANITOBA INDIGENOUS RECONCILIATION SECRETARIAT
2023/24**

Waustanpi Upteceda Oyakapi: Manitoba Imahed Okiciuwastepi Canku Etkiya

Okiciuwastepi Canu Wokage kin he ikce wicastaoyate sakowin(Dakota, Sni wicasta, Hahatonwi, Saiya, Hahatonwi-Saiya, Unspa Wasicu nakun Waziyata Sni wicasta) makoce makokaspe tawapi, akan opiiciyap kin hed Manitoba makokaspe kapagi. Wokage kin he nakun sumpa taku abdezap kin he, hekta makakaspe wasicu awanyankapkin hena, ikce wicasta sakowin ob opiiciyapi, oyate kin hena owicohan uhapkin hena unspepi nakun oyate kin hena ob wowapi utanpi, koyahan ikce wicasta Unci Makoce opta wasagya naziba oyate owas taku iwastepta taku nina ota wawokiyapi, tka hecun ikce wicasta unpetukin dehanya iyotiyawicakiyapi, wosice ota ahdihecayapi. Nakun nihunh wocicekin hena inazisni. Wokage wowapi otokaheya woonspe ohutka etan ecupkin he Uecetupte (CTA) wowapi Wowicake nakun Okiciuwastepi Waecunkiyapi (TRC) kagapi, Ikce wicasta Wowasake unhapkin he Oyate Yuokiwanzida Nanzipi Woyaotanapi hed owapi (UNDRIP) nakun Ikce winyan nakun wikosc Ke mawicanupi nakun unge wicaktepi (MMIWG). Uecetupe (CTA) wowapi kin he wokicunzi toked wicakehan owotanna ikce wicasta wasicu ohkceda waecunpta aowicakiyekte un kagapi. T okatakiya ikce wicasta wasicu wacinkiciya manipte, hekta woustanki hena uecetupte, wookizi kuwapte nakun tukte ahana oyate akiyecedkicucwapta kuwapte. Woowotanna ohdakapkin de ed okise wanzi waniyetu wanzi ca okiciuwastepi Manitoba ed awaecunpkin hena ohdakapta ustanpi.

Wooyake wowapikin de Manitoba Oitacan taku wokuwa October wikcemna sum sum sahdogan (18), kiktowawange num sum wikcemna num sumpa yamani (2023), March wikcemna yamni sum wanzi (31) kiktowawange num sum wikcemna num sumpatopa (2024), hed otaheda ustanpkin hena oyakapi, (detanhan wooyaekin ded “wooyake anpetu eyapte”). Manitoba Ikce Wicasta Okiciuwastepi Wowapi Kahkiuapi kin owokuwakin hena owas upteceda owa, Okiciuwastepi Canu Waniyetu Wanzi Opta Owokuwa Wooyake inapciwanka kin de he. Wooyake kin de tohaya ustanpkin hena okaspe zaptan owapi: Ikce Wacasta Iapi nakun Oihduhe, Wozani, Siceca, Koska nakun Wikoske, Wowicake nakun Ehanna Woyakapi Wokiksuye. Wowapi okage kin de woiwohdake TRC hetan icupi nakun owicohan wasagya skanpikin hena pazopi.

Manitoba makokaspe kin imahed, ataya Oitacan kin he ikce wicasta, unka owokuwa wanca ke skankin he Ikce Wicasta Oyate patokab uwankan wicayzapta ustan. He taku kapkin he itoeca Manitoba makokaspe kin imahed Ikce Wicasta oyate, oihduhe, iapi nakun Manitoba makokaspe imahed makoce ataya yutanipta he kapi. Itoeca Manitoba wowicake nakun okicuwastepi kuwapkin woawacin wan wasagya yutokan iyayeyapi, wooyake wowapi de ihakab owapkin iza iyeced utokcaya owapi, wana tuwa yawapkahan utokcaya owapkin hena abdezapte, Ikce Wicasta Oyate taku un pabosdad kiciuzapkin hena: unci maka, oihduhe, iapi nakun oyate. Ataya wotanka kin he, October 2023, oitancan tecakin he makokaspe itancan woustan kagapkin he utokcapi nakun takusica ahpeyapi (Prairie Green Landfill) ed ikce wicasta winyan num wichahapi kiyapi hena wauncidya owicadepta yaotanipi. Okinihan Tokaheyaitancan (Honourable Premier) tiwahe numpapkin hena ob canupa uha wocekiya kagega owicakiyekta woicicunze kage, nakun makokaspe oitacan

icantesicapi oyake nakun Manitoba oyate waunsdapkin hena owicakiyake. Okiciyapi Okodakiciyapi hena nina wasake, okiciuwastepi wokuwakin hecitiya nakun wooyake wowapi kin de woustan tona ohute wookihe ustanpi, itoea wokicanye okiciuwastepi nakun tihdepi.

Manitoba ikce wicasta oyate wozani akitap kahun unge nina tehan yapi nakun wozani odepkin he taku ota akipapi, wayazankapi echun tayan wicakuwapsni. Manitoba woyazan awanyankapi oecunkin he peyapi, kahun ikce wicasta tikiyeda wozani kin he iyeyapte. Maniyoba oyate wowidake okodakiyiciye waecunpkin hena owas ikce wicasta oihduhe owicakahnigapta nakun unsiwicadapta unspewicakiyapi. Manitoba nakun wawokiye waecunpi unge iyatayeda ikce wicasta oihduhe he ohna awanwicayakapta wicauhapi, etoea Woyazan Awanyanke Itacan Uka Ptaptawahan Awanwicayakapi Manitoba. Sanpa nakun Manitoba woicun skanpkin hena hduwasakapi, etoea Wozani Mitawa Okciyapi kin ha Opaskwayak Wozani Oitacan kici usakib iyekciyapi, nasu wozani nakun woyatkunpi austanpi cinpi wowidake hena Opaskwayak Saiya Oyate hed kagapi.

Nakun tukte ohna ikce wicasta oyate siceca waniyetu wikcemna sum isahdoganm sumpa hecehnana wozani kopehdasni jumpta nakun wounspe wakantuye okihipta hena nakun ahtanipi. Wokuwa kin he wookihikte kan han, Manitoba Oitacan kin Ikce Wicasta Oyate ob wohdakapi nakun ob waecunpi Siceca nakun Tiospaye Awanwicayakapi (CFS) woawanyake kin he Ikce Wicaste Oyate wicakcupi. Woustan tanka wan ehan ipi, Peguis Oyate kin Siceca Tiospaye Awanwicayakpi hduna skanpta woyawatanka wikcemna (\$10 million) wicakupi. Manitoba nakun Ikce Wicasta Okdakiciyapi ob inazinpi, Manitoba ikce wicasta koska, wikoske hena wowaste ecunpi okodakiciye owicakiyapte, tawacin wozani un owicakiyapte, tukte ohana okciyapta owicakiyapte, nakun taku sica yatkanpi, napcapi hena austanpta owicakiyapte.

Manitoba Oitacankin Wikoske Wicinyanna Winkta Mawicanuma nakun Wicaktepi nina ota akihde he wana wokuwa woauptapi kagapi, okodakiciye wan Wikoske Wicinyanna Winkta nakun Wica Winyan Hutkan Waeconwicakiyapi Wiyukcanpi, nakun Wicahunka Okodakiciye wan kagapi kahan ikce wicasta winyan wikoske winkta kin kopehdasni wasagya opi iciyapte. Tankaya nakun Manitoba woicunkiyapi wan kagapi tukte ohna Manitoba ikce wicasta woawanyanke uhapte hed ecahda nakun woope owohdke kin hed tanyan owotanna wicakuwapta ustanpi. Nakun Ikce Wicasta Oyate Wicauze Owicohun hena apeyapi nakun oyanke tona wicauze wicaubhb kin he uotapi. Wicauze kin hena nakun makokaspe woope nakun woope ikoyagyapi hena uha skanpta ustanpi. Nakun tuwe woope kaksap kahun, owoodake ed yapsni ehe wauwasteya wicakeya oyanke kin imahed apekiyapta heced ustanpi. Manitoba nakun tuwe wosice akapap kahun nena owicakiyapi, waniyeta zaptan hehaya Unci Makoce Oitacan kici maza ska woyawatanka wikcemna num sum sakowin sum hunke (\$27.5 million) wicahunku wosice akipapkin hens tiokihipta owicakiyapi.

Manitoba Oitacan kin ikce wicasta ehanna wooyake kin hena makokaspe wooyakapi hed opeya owapta ahtanipi, nakun waniytu ota tehan wawyaw iyayewecayb hena wicaunihapta kokuwa kagapi. Woope Kaga Okodakiciye nakun Wicaunpi Gigitanka Owa Anpetu kin he makokaspe imhed ozikiyapi anpetukta ustanpi Sept. wikcemna iyamni kin

hed, nakun Louis Riel he Manitoba makokaspe kin otokaheya ataya Itacan wokiksuye kagapi. Manitoba nakun okodakiciye tona makokaspe opta wokiksuye kagapta owicakiyapi, itoeca ikce wicasta ehanna woowakapi ewodakapi is wopazopi hena itoica wokiksuye iyan wan ehdepi Assiniboine Wayawatip han tkag hed. Manitoba nakun makokaspe imahed oitacan waecunwicaykeb hena owasina Manitoba ikce wicasta oihduhe, iapi hena sdodyeeewicakiyapi, iwicacuba tehan wayawa iyayewcayab he iyotanh. Hahan ahake, Manitoba oyanke ga okodakiciye hena ob wohdakaba owicakiyaba tuktetu kasta, wowanyanka tipim woskate makoce hena ikce wicasta oihda opeyapta ustanpi.

Ahake okaspe, Ataya Okiciuwastepi eyapi hed taku otanka ustanpi hena owapi, itoica okicanye okiciuwastepi nakun tihdepi hena. Nakun Uncia Makoce Oitacan kici maza ska wayawatanka wikcemna sakpe (\$60 million) Waziya Wanzi (One North) ewicakihnakpa ustanpi. He ikce wicasta wasicu ob Churchill Gateway System uhapi nakun iyang kiyapi, nakun Hudson Bay Railway and Port of Churchill hena ikce wicasta uhapi, wokazuzu tetn ug hena tawapi Manitoba nakun maza ska woyawatankta wikcemna sum napciwanka sum maza ska hanke (\$19.5 million) ikce wicasta tiwicakcagapi woskan ki hena owicakiyapi, nakun he iyakan maza ska woyawatanka zaptan sum he iyakan maza ska woyawatanka zaptan sum kiktowawagi sakowin (\$5.7 million) wawokiyapta icicunzapi, maza ska kin hena tuway ikce wicasta, winyan, oteca is winkta ticoda unpi is ticoda unpta ikiyeda unpi hena owicakiyapte.

Wooyake wowapi kin de oitacan wokuwa ahtanipi okiciuwastepi etkiya hena owapi. Nakun nihanh Watesda Oitacan he ikce wicasta ob akiyeced waecunpa nina owokuwa ota. Manitoba tukte ohna wowicake nakun okiciuwastepi canku ohna wicakehan tayan maunipta ahtanipta icicupi.